

菩薩摩訶薩疾近薩芸若是菩薩摩訶薩離  
怛薩阿竭名不遠是菩薩摩訶薩如是護離  
佛坐不遠是菩薩摩訶薩所有懈怠不復生  
是菩薩摩訶薩作是學爲學佛不學阿羅漢  
法不學辟支佛法當作是學菩薩摩訶薩四  
天王當作問訊言疾學是四部弟子當作所  
度當於佛座上坐作阿釋多羅三耶三菩作  
是學菩薩摩訶薩四天王常自往問訊何況  
餘天子怛薩阿竭阿羅呵三耶三佛常念菩  
薩摩訶薩行般若波羅蜜當作是行菩薩摩  
訶薩般若波羅蜜或時世間所有勤苦之疾  
是身了無有恐是爲菩薩摩訶薩般若波羅

中弊魔一切心中皆愁毒欲共壞亂是菩薩  
摩訶薩自共議言當何以使是菩薩便中道  
取證阿羅漢辟支佛道莫使成作佛  
道行般若波羅蜜經卷第七 鱗七

勇悍汗音殊尺朱反菓蓏果反瓜之類在地曰蓏屬也在樹  
曰菓一一本榆旬上羊朱反亦榆繕那一云由  
作菓菜又曰家譯里數榆旬地此和

方四十里也然諸多不  
同大約此方一驛地也路徑下古定反沈茂敬書  
後庵溪擅越張稅院名璿一力刊此經一函

都勸緣檀越成忠郎趙 安國

道行般若波羅蜜經卷第八

鱗八

後漢月氏三藏支斐迦譯

塞阿難作是念是釋提桓因自持智說耶持  
佛威神說乎釋提桓因知阿難心所念語阿  
難言持佛威神我所說乎佛言如是阿難持  
佛威神釋提桓因所說乎正是中阿難或時  
菩薩摩訶薩深念般若波羅蜜隨法  
密行學般若波羅蜜當是時三千大千國土

道行般若波羅蜜經貢高品第二十一  
佛語阿難菩薩隨時欲學般若波羅蜜隨法  
欲行般若波羅蜜是時一佛界中魔各各驚  
自念言欲使菩薩中道得阿羅漢果若疾使

得阿耨多羅三耶三菩疾使得佛復次阿難  
弊魔愁毒爲憂見菩薩習行於般若波羅蜜  
復次阿難是時諸弊魔四面放火風恐怖是  
菩薩若令畏懼衣毛當起使心一反亂念轉  
復佛語阿難魔不遍行亂菩薩若有行亂者  
有不行亂者阿難白佛言何等菩薩爲魔所  
亂佛語阿難若有菩薩聞深般若波羅蜜不  
樂者弊魔便行往壞復次阿難若有菩薩聞  
深般若波羅蜜心狐疑者自念若有是無有耶  
如是阿難是菩薩爲弊魔所得便復次阿難若  
有菩薩遠離於善師是菩薩所聞般若波羅  
蜜深事不欲聞也亦不了也亦不知也何因  
守般若波羅蜜用是故阿難是菩薩弊魔所  
得便者復次阿難若有菩薩與惡師從事用  
是故弊魔得菩薩便是菩薩言正是我所善  
師也當成我所願餘多有菩薩非我善厚也  
用是故弊魔得菩薩便復次阿難聞是深般  
若波羅蜜時教餘菩薩用是爲學用是爲寫

我尚不了其事汝能了耶若有時菩薩與異  
菩薩轉相輕易言我所行是也沒所行非也  
余時諸弊魔歡欣踊躍是時弊魔便作異被  
服像來嘆菩薩言汝於某國生某種姓家是  
菩薩聞是語便輕易餘成就不貢高菩薩是  
貢高菩薩功德薄少無阿惟越致相也是菩  
薩於阿惟越致中功德少自貢高輕餘菩薩  
言卿不及我所行用是故弊魔大歡欣言今  
泥犁禽獸薜荔墮者不少弊魔當後增其念  
所語所說多有信用者聞之者無不隨其言  
者作是學者瞋恚益增心所作爲顛倒用是  
故身口心所作爲輒反用是故其人在泥犁  
禽獸薜荔中罪益增用是故弊魔大歡欣踊  
躍無有極也若求菩薩道家與求羅漢道人共  
諱余時弊魔自念菩薩離薩芸若遠雖遠亦  
不大遠菩薩又與菩薩共諱余時弊魔念言  
兩離佛遠佛語阿難未得阿惟越致菩薩與  
阿惟越致菩薩共諱罵言阿惟越致菩薩是

菩薩罵以隨心所念轉懷怨恨心一轉念聽却一劫菩薩雖有是惡念不捨薩芸若却無數劫極甫當更復從發意起阿難白佛言心所念惡寧可得中悔不當乃却就少所劫乎佛語阿難於我法中廣大極可得悔佛語阿難若有菩薩念惡有恨自歡欣復語他人是人不可復使悔也若有菩薩若罵豈瞋恨自念咄我所作無狀後終不敢復作是復自考貴人道難得用是故悉當忍於人何況乃當與人共諍言乎我當爲十方人作橋令悉踏我上度去我有是意寧當復與人共諍耶住立當如聲羊諸惡采正當忍諸惡心不當犯我作佛時悉當安十方人得般泥洹我不復與人共諍瞋恚於人爲用羅漢道故阿難白佛言菩薩菩薩自相與共止法當云何佛語阿難菩薩菩薩轉相視當如視佛心念言共一師共一船共一道如是若是所學我亦當學有餘菩薩欲喜學阿羅漢辟支佛道若與從事設

有是人者我不與從事其有世世欲求佛道者當與相隨如是學爲共一法學

道行般若波羅密經學品第二十二

須菩提白佛言菩薩學無常爲學薩芸若學無所生爲學薩芸若學去離淫爲學薩芸若學滅爲學薩芸若佛語須菩提汝所問學無

華

八

三

常爲學薩芸若者於須菩提意云何是怛薩阿竭本無隨因緣得怛薩阿竭本無字寧有盡時不須菩提白佛言不佛語須菩提爲學薩芸若如是學爲學般若波羅密如是學爲學怛薩阿竭陀爲學力爲學無所畏爲學諸佛法菩薩學如是者悉行諸學法菩薩摩訶薩作是學魔及魔官屬不能中道壞也菩薩如是學爲疾得阿惟越致菩薩如是學者爲疾近佛樹下坐菩薩如是學爲悉學佛道菩薩如是學爲習法也菩薩如是學爲極大慈哀如是學等心菩薩學如是三合十二法輪爲轉菩薩學如是學滅度十方天下人菩

薩學如是爲學甘露法門佛語須菩提不懈怠人乃能學是作學爲學十方天下人道也菩薩學如是者不入泥犁禽獸薜荔中也菩薩學如是終不生邊地如是學不復生愚癡貧窮中如是學不復盲聾瘡病歐如是學爲不毀十戒也如是學爲不隨解除一問也如是學遠離不持戒人也菩薩如是學不願生尼惟先天上也何以故菩薩有惱恕拘舍羅故般若波羅蜜何等惱恕拘舍羅從般若波羅蜜中出惱恕拘舍羅持惱恕拘舍羅威神入禪不隨禪法菩薩學如是爲得淨力爲得無所畏力爲得佛法淨力須菩提白佛言佛所有諸法本

皆淨何等爲菩薩得法淨佛語須菩提菩薩學如是爲學無所得淨法諸法淨如是須菩提菩薩行般若波羅蜜時不悔不厭是爲行般若波羅蜜未得道者愚癡不曉是法不見是事菩薩用人故常精進人見我亦當効我精進用是故菩薩得力精進無所畏菩薩作

是學悉知十方天下人心意所念無能過者譬如地出金銀少所處出耳如是須菩提少所人隨般若波羅蜜法教學譬如若須菩提少所人索遮迦越羅處索小國王多如是須菩提少所人隨般若波羅蜜法教學從是中多提少所人隨般若波羅蜜法教學從是中多索阿羅漢辟支佛者有初發意菩薩少有隨

菩

八

四

般若波羅蜜教者旣有學般若波羅蜜少有得阿惟越致者茲菩薩當作是念我當力學慕文阿惟越致後次須菩提菩薩摩訶薩行般若波羅蜜不持瞋恚意向人不求他人短心無憚貪心不毀戒心不懷恨心不懈怠心不迷亂心不愚癡時菩薩學般若波羅蜜時諸波羅蜜皆悉屬學般若波羅蜜爲照諸波羅蜜爲悉入諸波羅蜜學般若波羅蜜爲具足餘波羅蜜譬如人言是我所便外着十二品如是須菩提茲菩薩學般若波羅蜜諸波羅蜜皆悉屬譬言如須菩提人死時命盡身諸根悉滅如是須菩提菩薩學般若波羅蜜爲學諸波羅蜜皆悉屬菩薩欲學

度諸波羅蜜當學般若波羅蜜菩薩欲學般若波羅蜜爲學無極於須菩提意云何一佛界中所有寧多不須菩提報佛言甚多佛言若有菩薩供養一佛界中乃爾所人供養自盡壽命其福寧多不須菩提白佛言甚多佛語須菩提不如菩薩守般若波羅蜜如兩指相彈頃佛語須菩提般若波羅蜜極尊用

是故疾得佛如是須菩提菩薩欲得阿耨多羅三耶三苦爲十方人中獨尊終視十方貧窮孤獨者欲得求佛境界者欲得佛智慧所樂者欲得如師子獨鳴者欲得佛處者悉欲得是者當學般若波羅蜜菩薩學般若波羅蜜

<sup>五</sup> <sup>六</sup>

者爲悉學餘法須菩提白佛言菩薩爲復學阿羅漢法耶佛語須菩提雖知阿羅漢法不樂行也不學阿羅漢所作功德云何當得也阿羅漢所行菩薩悉知不學不行不於中住菩薩作是學天下無有能過者悉過阿羅漢辟支佛上如是爲近薩芸若菩薩作是學不離

般若波羅蜜遠也爲行般若波羅蜜菩薩作是學於薩芸若法中不增不減離阿羅漢辟支佛道菩薩若復作是念持是般若波羅蜜當得薩芸若有小想爲不行般若波羅蜜亦不有般若波羅蜜之想當持得薩芸若亦不念亦無見亦無所想爲是行般若波羅蜜

### 道行般若波羅蜜經守行品第二十三

是時釋提桓因在大會中坐作是念菩薩行十方天下人無有能過者何況自到至佛乎十方人道難得既得壽命爲安隱有一發意行佛道者難得何況至心行佛道者乎欲爲十方天下人作導首者是人難得是時釋提桓因化作文陀羅華取持散佛上散已作是說行菩薩道者乃向佛道乎所願悉成爲近爲悉護作是行者爲悉成佛諸經法薩芸若經法怛薩阿竭經法悉具足阿惟越致經法亦爾釋提桓因言人有至心索佛於是法中一反念終不遠也釋提桓因言我欲使人於法中益

念不厭生死之苦一切天上天下爲苦用人  
故悉當忍勤苦之行心作是念諸未度者悉  
當度之諸未脫者悉當脫之諸恐怖者悉當  
安之諸未般泥洹者悉皆當令般泥洹釋提  
桓因問佛言新發意菩薩勸人助其歡喜得  
何等福隨次第上菩薩勸人助其歡喜得何  
等福乃至阿惟越致上至阿惟顏勸人助其  
歡喜得何等福佛語釋提桓因言須彌山稱之  
尚可知斤兩從勸助代初發意菩薩歡喜其  
福不可量佛語釋提桓因一佛境界尚可稱  
知斤兩阿闍浮菩薩行勸人助其歡喜其福  
無有稱限佛語釋提桓因一佛境界中諸海

釋提桓因白佛言爲魔所亂聞是不助歡喜  
魔官屬人聞是不助歡喜者從魔天上来下  
聞是不助歡喜者何以故若有發意索佛者爲  
壞魔境界也有發意索佛者當助其歡喜是  
爲壞魔境界心不離佛不離經不離比丘僧  
如是當助其歡喜佛語釋提桓因如釋提桓  
因所言助其歡喜者爲近佛用是助歡喜之  
功德世世所生處爲人共欲得供養未常有  
聞惡聲時不恐當歸三惡道常生天上有十  
方常尊何以故如是人助菩薩歡喜者爲悉  
施護十方人何以故初發意菩薩稍增自致  
至佛成就作佛已當度脫十方天下人須菩  
提白佛言心譬如幻何因當得佛佛語須菩  
提於須菩提意云何汝寧見幻不須菩提言  
不化幻亦不見幻心離化幻離幻心雖離是  
見異法當得佛道不須菩提白佛言不見也亦  
不離化幻離幻心亦不見當得佛亦無法亦  
無見當說何等法得耶不得乎是法本無遠

離亦本無若得若不得本無所生亦無有作  
佛者設無有法亦不得作佛須菩提白佛言  
設爾般若波羅蜜離本無對法離本亦無對  
亦無證亦無守亦無行亦無有法當有所得  
何以故離般若波羅蜜本無形故本無遠離  
何因當於般若波羅蜜中得佛佛者離本無  
所有何所本無所有當得佛者佛語須菩提  
如須菩提所言離本般若波羅蜜無所有離  
本薩芸若無所有佛語須菩提雖知離般若  
波羅蜜本本亦無所從生菩薩當作是思惟  
深入守是故離本無所有得作佛佛語須菩提  
雖知離本般若波羅蜜無所有是爲不守

般若波羅蜜甚深難及菩薩所言勤苦行深  
奧之法不在取泥洹須菩提白佛言如是所  
說事菩薩不爲勤苦行也何以故亦無有作證  
者亦無般若波羅蜜中得證者亦無有經法  
得作證者菩薩聞是不恐不怠不難不畏是  
爲行般若波羅蜜雖作是行亦不見行是爲  
行般若波羅蜜雖近作佛亦不見是爲行般  
若波羅蜜遠離羅漢辟支佛亦不見亦不念  
是爲行般若波羅蜜譬如空中無念若有近  
若有遠何以故空本無有形故行般若波羅  
蜜無有離佛遠離佛近何以故般若波羅蜜  
無有形故譬如幻師作化人化人不作是念  
師離我近觀人離我遠何以故化人無有形  
故般若波羅蜜亦如是不作是念羅漢辟支  
佛道離我遠佛道離我近也何以故般若波  
羅蜜無有形故譬如影現於水中不作是念  
何因影現於水中若所有近者不念言近若  
遠者亦不念言遠何以故影無有形故般若

波羅蜜如是亦無是念羅漢辟支佛道爲遠耶佛道爲近乎何以故般若波羅蜜無有形故般若波羅蜜適無所愛適無所憎怛薩阿竭所有無所著無所生般若波羅蜜亦如是亦無所生亦無所著譬言如怛薩阿竭化作人不作是念羅漢辟支佛道離我遠亦不言佛道離我近何以故化人無有形故般若波羅蜜亦不作是念羅漢辟支佛道離我遠亦不念佛道離我近何以故般若波羅蜜無有形故譬如工匠黠師刻作機關木人若作雜畜木人不能自起居因對而搖木人不作是念言我當動搖屈伸俛仰令觀者歡欣何以故木人本無念故般若波羅蜜亦如是隨人所行悉各自得之雖爾般若波羅蜜亦無形亦無念譬如造作海中大船所以者何作欲度賈客船亦不作是念言我當度人何以故船本無念故般若波羅蜜亦如是隨人所行悉各自得之般若波羅蜜亦無形亦無念亦如

是譬如曠野之地萬物百穀草木皆生其中地亦不作是念言我常生也不生也般若波羅蜜生諸經法亦不念言從中生與不生何以故般若波羅蜜本無形故譬如摩尼珠悉出其寶般若波羅蜜悉出其經法分別教授雖爾般若波羅蜜亦無念譬如日照於四天下其明亦不念言我當悉照也般若波羅蜜悉照諸經法雖爾般若波羅蜜亦無念譬如水無所不至水亦不作是念言我當有所至般若波羅蜜悉至諸經法雖爾般若波羅蜜亦無念譬如風無所不至風亦不作是念言我當有所至般若波羅蜜成就諸經法亦如是  
卷八  
余雖爾般若波羅蜜亦無念譬如須彌山顛以忉利天爲莊飾須彌山亦不作是念言我當上治忉利天莊嚴般若波羅蜜成就薩芸若雖爾般若波羅蜜亦無念譬如大海悉出諸珍琦寶物海水不作是念言我當從中出珍寶般若波羅蜜悉出生諸經法亦如是雖爾

般若波羅蜜亦無念譬如佛出生諸功德悉覆葷等心加於十方人般若波羅蜜成就於諸經法亦如是

道行般若波羅蜜經強弱品第二十四

舍利弗問須菩提言善薩摩訶薩行般若波羅蜜為高行耶須菩提報言我從佛所聞事菩薩摩訶薩行般若波羅蜜為無有高行也若干百千愛欲諸天作是念當為十方人發意為菩薩道者作禮何以故行般若波羅蜜不中般泥洹故如是菩薩為勤苦行不於是法中墮落取證須菩提語諸天言雖不中道墮落取證是不為勤苦勤難也為十方不可計阿僧祇人被法鎧度今得泥洹是乃為勤苦之難是人本無本無索不可得也如是菩薩作是念為欲度人度十方人為欲度空何以故空亦無有遠亦無有近亦無所有用是故以菩薩勤苦行索人本無有欲度人為度虛空被德鎧用人故被德鎧欲過度人是故菩薩為被

余

德鎧如佛所說人無有本曉知人本無所有是為度人菩薩聞是不恐不怖是為行般若波羅蜜離人本無人離色本無色離痈癰思想生死識本無識離諸經法本無諸經法菩薩聞是不恐不懈是為行般若波羅蜜佛語須菩提何因菩薩不恐不懈須菩提白佛言卷八  
菩薩取證是不為勤苦勤難也為十方不可計阿僧祇人被法鎧度今得泥洹是乃為勤苦之難是人本無本無索不可得也如是菩薩作是念為欲度人度十方人為欲度空何以故空亦無有遠亦無有近亦無所有用是故以菩薩勤苦行索人本無有欲度人為度虛空被德鎧用人故被德鎧欲過度人是故菩薩為被

膩吒諸天皆為行般若波羅蜜菩薩作禮十方不可復計阿僧祇現在諸佛悉念行般若波羅蜜菩薩悉共擁護知是行般若波羅蜜菩薩阿惟越致恒邊沙佛刹其中所有人悉使為魔一魔者化作如恒邊沙人悉使為官屬設使爾所魔各各乃爾所官屬欲共害行般

若波羅蜜菩薩不能中道壞不能中道得便  
菩薩有二事法行般若波羅蜜魔不能中道  
斷得便也何謂二事一者諸經法視皆空二者  
不捨十方人悉護是爲二事菩薩有二事諸  
魔不能動何謂二事一者不失本願二者十  
方諸佛悉護視是爲二事菩薩行般若波羅

蜜時諸天往至菩薩所問訊深經之事諸天  
讚嘆善之今作佛不义也當隨是法教立既  
隨是法教立者諸有困苦者皆得護諸未得  
歸者爲得自歸爲人故作法舍無目者使得  
黠目隨是般若波羅蜜法教立者十方不可  
復計阿僧祇現在諸佛悉共擁護行般若波

<sup>華</sup><sup>八</sup><sup>十一</sup>

羅蜜者諸佛各各於其刹四部弟子中說是  
菩薩功德各各讚嘆善之佛語須菩提譬如若  
我今讚嘆說羅麟那跋那佛佛復言今我刹  
界中菩薩行般若波羅蜜十方諸佛今亦讚  
嘆說行般若波羅蜜菩薩亦復如是須菩提  
白佛言諸佛悉讚嘆諸菩薩如是耶佛言不

賜讚嘆佛語須菩提有行菩薩道未得阿惟  
越致者諸佛亦復讚嘆須菩提復問佛何等  
爲行菩薩道爲佛所讚嘆佛語須菩提有菩  
薩隨阿閻佛前出爲菩薩時所行及羅麟那  
跋那佛前出爲菩薩時所行有菩薩隨是教  
用是故十方諸佛讚嘆是菩薩復次須菩提菩  
薩摩訶薩行般若波羅蜜諸經法信本無所  
從生是菩薩尚未得無所從生法樂於中立  
信諸法本空是菩薩尚未得阿惟越致信諸  
經法本無如泥洹是菩薩尚未得入阿惟越  
致地隨是法教立疾得阿惟越致有應是法  
行者是故十方諸佛共讚嘆是菩薩菩薩爲  
度阿羅漢道地辟支佛道地向佛道地若有  
菩薩應般若波羅蜜行者爲諸佛所讚嘆如  
是菩薩不久在阿惟越致道地立復次須菩提  
菩薩聞深般若波羅蜜信不狐疑菩薩作  
是念如佛所說諦無異是菩薩却後當復於  
阿閻佛所聞是般若波羅蜜及餘菩薩所聞

亦復爾作是信般若波羅蜜者以爲在阿惟越致地立若有聞般若波羅蜜信者其德甚大不小也何況菩薩隨般若波羅蜜法教立者隨是法教立者爲疾入薩芸若須菩提白佛言設離本本無法不得何所法有作佛者佛言設離本本無法不得何所法有作佛者何所法說有說經者佛言如須菩提所言設離本本無法不得何所法有作佛者亦無有法說經者是本無無本何所有於本無中立無者有本無有當得佛者亦無有本法有作佛者本無無有說經者亦不可得釋提桓因白佛言般若波羅蜜甚深菩薩勤苦行乃自致成佛何以故無有字法無所得在本無中

不見得佛者亦不見薩芸若亦不見得薩芸若者亦不見怛薩阿竭亦無有得怛薩阿竭者亦不見無所從生亦不見無所從生證得之者亦不見十種力亦無有索十種力者亦不見四無所畏亦不見索四無所畏者諸經法本淨亦無所得須菩提隨無所得教立如是須菩提隨無所得教立者是菩薩爲行般若波羅蜜百倍千倍萬倍須菩提菩薩行般若波羅蜜者捨置佛道地衆羅漢辟支佛道地不及是菩薩道地欲爲十方天下人特尊當隨佛法教立如是是時忉利天上數千萬天持化作文陀羅華散佛上散已作是說諸天

卷八

八

十三

言我曹亦當隨法教立時坐中百六十比丘起整衣服為佛作禮作禮已各各手中有化文陀羅華持是華散佛上散已作是說我曹亦當隨法教立是時佛笑口中出若干色其明至十方佛刹悉為明其明還達佛三界從頂上入阿難從坐起整衣服為佛作禮長跪問佛佛不妄笑既笑當有意佛告阿難是百六十比丘及諸天當於是波羅劫中作佛皆同一字字溫辰那拘尼摩作佛時比丘僧數各各等壽命亦各各等其壽各十萬歲隨次稍稍作佛作佛時各各盡其世雨五色華道行般若波羅蜜經累教品第二十五

佛語阿難作是立者無有能過菩薩作是立為如佛立作是立無有為作師者是為薩芸是般若波羅蜜行者當知是人從人道中來或從兜術天上來是人或從人道中聞般若波羅蜜或從兜術天上聞或從人道中行或

從兜術陀天上升何以故佛般泥洹後般若波羅蜜者於十方見若於兜術天上見有行是般若波羅蜜若書者諸佛悉視護之是菩薩復轉教人勸樂合偶知是菩薩供養若干佛已來不於羅漢辟支佛品中作功德知是菩薩供養若干佛已來學是般若波羅蜜不忍不怖若有受般若波羅蜜若有學若有持若有解中事若有隨知是菩薩如面見佛無異是菩薩不止亦不誅謗般若波羅蜜也知是菩薩供養若干佛已來佛語阿難若有人於佛所作功德持用求羅漢辟支佛會當得佛無異若有菩薩摩訶薩行般若波羅蜜常當遠離羅漢辟支佛道佛語阿難持是般若波羅蜜齋累汝阿難我為汝所說經捨置般若波羅蜜摩訶溫惣拘舍羅及諸摩訶惟曰羅我每所說餘經汝所受設令悉放悉云雖有是其過少耳汝所從佛受般若波羅蜜設放設云其過甚大不小佛語阿難復齋累汝般

若波羅蜜受學持法當諸學悉具足受悉念持書字今正無缺減過去當來今現在佛經身等無異阿難當作是念般若波羅蜜莫使缺減何以故今佛現在有慈心佛恩德欲報佛恩具足供養者汝設有慈心於佛者當受持般若波羅蜜當恭敬作禮供養設有是行汝悉爲供養佛報恩以汝爲恭敬過去當來今現在佛已汝慈孝於佛恭敬思念於佛不如恭敬於般若波羅蜜也慎莫云失一句也佛語阿難囑累汝般若波羅蜜以爲信若有不欲離於佛離於經離於比丘僧亦不欲離於過去當來今現在佛者不當遠離般若波羅蜜是佛所教佛語阿難若有受般若波羅蜜持護是爲持過去當來今現在佛教法何以故過去當來今現在佛皆從般若波羅蜜出生菩薩欲得佛道者當學六波羅蜜何以故六波羅蜜是諸菩薩摩訶薩母也佛語阿難囑累汝六波羅蜜六波羅蜜者佛不可盡經法之

藏過去當來今現在佛皆從六波羅蜜出生佛語阿難汝日日救人盡一佛境界中人汝悉教令得阿羅漢道雖有是教尚未報佛恩不如具足爲菩薩說般若波羅蜜汝所教人悉使得阿羅漢此所作功德持戒精進守道雖教乃爾所人其福寧多不阿難報佛言甚

舞

八

十五

余

多天中天佛語阿難不如持般若波羅蜜具足爲菩薩說雖不能多一日可雖不能一日食時可雖不能食時爲說須臾間可其福勝度余所阿羅漢也菩薩摩訶薩自於般若波羅蜜念佛惟其中事菩薩雖思惟其中事得其功德出衆阿羅漢辟支佛上去雖思惟其中事會當得阿惟越致設不中道還說般若波羅蜜時四部弟子及諸天阿須倫及鬼神一佛境界中持釋迦文佛威神一切悉見阿閻佛及見諸比丘不可計皆阿羅漢諸菩薩亦無央數以後不復見佛語阿難譬如見國中人不復見阿閻佛及諸菩薩阿羅漢諸經法

索眼不見亦如是法不見法不念法何以故諸經法無念不見亦無所益佛語阿難諸經法皆空無所持亦不可念譬如幻師化作人諸經法亦如是無念亦無痛何以故無形故善薩作是行為般若波羅蜜作是學爲學般若波羅蜜悉欲得六波羅蜜者當學般

若波羅蜜作是學在諸學中最尊無有及者百倍千倍萬倍是爲安十方天下人作是學者困厄苦者悉護視是爲隨佛法學是爲隨佛教有應是學者持手舉一佛境界復著其處人無有覺知者佛語阿難佛從是般若波羅蜜中學成過去當來今現在佛無所罣礙指

智慧法悉從般若波羅蜜具足成欲得般若波羅蜜限者爲欲得虛空限也何以故般若波羅蜜不可盡十方之事可計般若波羅蜜事不可計也阿難白佛言何以故般若波羅蜜事不可計佛告阿難般若波羅蜜事不可計不可盡般若波羅蜜本淨何以故過去不可

復計佛悉從其中成就得佛般若波羅蜜亦不增亦不減甫當來不可復計佛悉從般若波羅蜜成就得佛般若波羅蜜亦不增亦不減十方今現在不可復計佛悉從般若波羅蜜成就得佛般若波羅蜜亦不增亦不減是故般若波羅蜜不可盡虛空亦不可盡

十六

## 道行般若波羅蜜經卷第八

鱗

大義慈高伏承 湖州路歸安縣太元鄉徐林獨樂妙嚴庵院優婆塞僧清志

蓮華尊經卷功德報嚴

先傳錄慧照大和尚遺稿

妙品

辛巳年八月

日杭州路西山普寧寺住山禪如一題

## 道行摩訶般若波羅蜜經卷第九 鱗九

後漢光和二年月支沙門支婁迦識譯

## 道行摩訶般若波羅蜜經卷第二十六

是時須菩提作是念佛所說般若波羅蜜事甚深是須菩提當作是問須菩提白佛言般若波羅蜜不可盡辭如虛空亦不可盡菩薩